

մանէ յիշատակութիւն և 'ի դիրս Վանօրէիցն Հայոց այս-
պէս . « Սահառունեաց վանք 'ի կողմն Սելովամայ , զոր
+բր- վն+ կոչեն , որ է Տեառնեղբօրն զոր վէմն ընկալաւ ,
այսինքն 'ի վիմի թաղեցաւ կամ քարկոծեցաւ : Սակայն
յեա աւերման սոյն վանացս զպատուական նշխարս Ս . Յա-
կոբայ ամիոփեալ են 'ի տաճարի մեծի առաքելոյն Յակո-
բայ 'ի ներքոյ Աւագ Սեղանի , որպէս ունիմք հաստատուն
աւանդութեամբ 'ի նախնեաց անտի :

Գ Լ Ո Ւ Խ Գ .

Նշանք ժամանակի : Արտասխու թիւն Հրէից : Պաշարուն Երուսաղէմի :
Առուն և հիմնոցատակ քանդումն նորն 'ի Տիտոսէ հանդերձ Տաճա-
րան : Ատարուն Հրէից և գերութիւն նոցա :

ԱՍՍԱՅՈՒՔ կարճ 'ի կարճոյ եւ վան քաղաքական
անցիցն Երուսաղէմի եւ դատաստանացն Աստուծոյ , զոր
Փրկիչն դուշակեաց յառաջագոյն , եւ արտասուօք պատ-
մեաց Աշակերտացն յաւուր մտանելոյ իւրոյ յԵրուսաղէմ .
և առաւել մանր նկարեաց 'ի ցուցանել նոցա զչինուածս
Տաճարին . զի այն ամենայն եկն 'ի կատարումն յեա 37
ամաց :

Այլ նախ քան զպատերազմն իրրեւ 'ի յայտնութենէ
հրաման եղև եկեղեցւոյն Երուսաղէմի եւ առաքինեացն
ելանել 'ի քաղաքէ անտի և սպաստանել 'ի Պելլա քաղաքի
յայնկոյս Յորդանանու : Զի եկեցոցն հասցեն ասէ Եւսեբի
դատաստանք վրիժուցն Աստուծոյ 'ի վերայ քաղաքի թա-
գաւորութեանն Հրէից եւ 'ի վերայ ամենայն երկրին Հը-
րէաստանի . զի համարձակեցան 'ի Քրիստոս և յԱռաքեալս
նորա , և ջնջեցէ զազգն ամբարիշտ և դտոհմն անուղղայ
'ի տեղւոյն յայնմանէ : Բայց թէ ո'րպիսի չարիք անցին
ընդ ամենայն ազգն եւ չարաչար տանջանօք տանջեցան ,
և թէ քանի' բիւրք 'ի սով և 'ի ծարաւ և 'ի տառապանս
ազգի ազգի մաշեցան , և գերեցան ամենայն քաղաքք Հրէ-
աստանի եւ վաճառակուր եղեն , զայս ամենայն պատմէ